

Medicina

*Carmelin Joani Quæstio medica de arthritide.
Vide. Cracov. Typ. Univ. 1749.*

Ms. A. 9. 2. 11. 58.

LAUDETUR JESUS CHRISTUS
QUÆSTIOMEDICA.

De
Arthritide

220241
III

SUB FELICISSIMIS AUSPICIIS
MAGNIFICI PERILLUSTRIS, & AD-
MODUM REVERENDI DOMINI,

D. M. CASIMIRI
PAŁASZOWSKI,

Sacrae Theologiae DOCTORIS & PROFESSO-
RIS, Ecclesiarum Collegiatae S. FLORIANI ad
Cracoviam Clepardiae CUSTODIS, Parochialis
in Czerniechow CURATI, Canonizationis B.
JOANNISCANTII PROCURATORIS, Scho-
larum Novodvorscianarum & Contubernij Hiero-
solymitani PROVISORIS, Studij Generalis
Universitatis Cracoviensis Vigilantissimi

R E C T O R I S.

Pro Loco

Inter Clarissimos & Excellentissimos DD. Medicinæ Doctores, &
Professores, in Alma Universitate Studij Generalis Cracoviensis
obtinendo.

M. J O A N N E C A M E L I N,
Philosophiæ & Medicinæ Doctore.
Publicè ad disputandum

P R O P O S I T A.

Annò Domini 1749. Die 2 Mensis Xbris

CRACOVIAE TYPIS UNIVERSITATIS.

QUÆSTIO MEDICA.

U. Arthritis quæ est dolor circa articulos, eorūq; ligamenta membranosa, atq; nervosa, pungens, lacerans, pulsans, & per periodos invadens, motum impeditum vel abolitum efficiens, plus minus ardorem, plus minus tumorem, cum vel sine inflammatione, aliisq; symptomatibus conjunctum habens. Eaq; fixa, vel vaga, Universalis, vel Particularis, Hæreditaria vel Adventitia, ab humore acri, bilioso, & volatili sui generis, aut acido, vel fixiore, diversimodè nerveos villos suâ acrimoniâ vellicante, nunc verò suo lentore & visciditate indolem & figuram minorum nervosorumq; vasculorum in corpore vitiantes, & à viscerum primæ & secundæ coctionis debilitate aut fermentorum Dyscrasia, chylum non ritè elaborantium, & separantiū ortum ducens, Per Chirurgiam Pharmaciam & Diætam sit curabilis nec ne?

CONCLUSIO I.

Arthritis est dolor circa articulos, eorumq; ligamenta membranosa, atq; nervosa pungens, lacerans, pulsans, & per periodos invadens, motum impeditum, vel abolitum eorundem articulorum produciens, plus minus ardorem, plus minus tumorem, cum vel sine inflammatione, aliisq; plurimis symptomatibus.

COROLLARIA.

- I. **C**irca ligamenta articulorum Machinæ corporeæ humanæ membranosa atq; nervosa, dolor excitatur.
- II. Particulæ acrioris humoris atq; sui generis, hoc est sive Alcalinam, sive naturam acidam habentes, dum exaltantur, aut comprimunt aut dilatant diametrum porulorum, exinde nervearum fibrarum irritatio.
- III. Humores dantur in corporibus nostris.

IV.

- IV. Datur Lympha inter humores in corpore nostro existentes, quæ Lympha est humor, seu tenuior sanguinis portio & quæ simplex aqua non est, cum in se sal & alia contineat.
- V. Sal Alkali & acidum in humoribus fermentis & fluidis continetur, naturalemq; eorum crasim vitare aptum est.

C O N C L U S I O II.

Arthritis est fixa, vel vaga, Hæreditaria vel Adventitia, Particularis vel Universalis.

C O R O L L A R I A.

- I. Ex Arthriticis Parentibus, nascitur Arthritica Proles.
- II. Datur Universalis & Particularis Arthritis, Hæreditaria, vel Adventitia, fixa, vel vaga.
- III. Adventitia Arthritis ex causis variis in corpore humano datis producitur.
- IV. Quælibet Arthritis sua habet tempora, quibus gravius exasperatur tumq; sexum magis virilem, quam foemineum affligit, Infantes vix aliquando molestat.
- V. In tota massa sanguinea suo modo vitiata Arthritidis causa hæret.

C O N C L U S I O III.

Causa Arthritidis est humor, seu lympha, acris, biliosa, volatilis sui generis, aut acida & fixior, diversimode nerveos villos sua acrimonia vellicans, nunc vero suo lentore & visciditate indolem & figuram minorum nervosorumq; vasculorum in corpore vitians, & à viscerum primæ & secundæ coctionis debilitate aut à fermentorum Dyscrasia chylum non rite elaborantium & separantium, ortum ducens.

C O R O L L A R I A.

- I. Viscerum primæ & secundæ coctionis vitium repetendum est vel à solido, vel à liquido.
- II. Inducitur vitium ratione solidi, hoc est textura ventriculi, cum sit textura illius debilitata in laxitate fibrarum peccans.
- III. Liquidum seu fermentum ventriculi, vel in qualitate, vel in quantitate considerandum est.
- IV.

- IV. Ubi solidum vel liquidum peccat, impossibile est ut Chylus ritè elaboretur, tunc enim tam vasa lactea, quàm glandulæ Mesenterii, tum ductus Thoracicus, per quæ vasa chylus transit deferendo particulas pravas, vitiant sanguinem, illiusq; lymphâ ex quo sanguis & lymphâ impura seu vitiatâ redditur, mēbranosas nerveasq; partes circa interstitia articularū lādēs.
- V. Causæ remotiores si respiciantur, illæ præter alias sunt Bacchus, Venus, & Ira, quæ Arthritidem sæpe produciunt.

CONCLUSIO IV.

Arthritis est curabilis per Chirurgiam, Pharmaciam, & Diætam.

COROLLARIA.

- I. In principio Arthritidis si febris adsit, vel vehementes dolores, inflammationem minantes, vel aliqua naturalis evacuatio suppressa fuerit, Venæ sectio instituatur, per hanc etenim gravioribus malis occurritur, & morbus abbreviatur, ut Praxis sæpe docet, Cataplasmata & unctiões dolorem mitigantes, emollientes, & discutientes locum habent Balsamus Arthriticus Fullerii pro specifico habetur, quò ad vesicatoria praxis docebit.
- II. Arthritis præter externa remedia etiam curatur per blanda Diaphoretica, transpirationem promoventia tum Diuretica, sed cautè consideratis circumstantiis.
- III. Arthritis fixa vel vaga, Hæreditaria vel adventitia, quæcunq; sit Dogmaticam curationem expetit, nam diversitati causarum est attendendum, Tophacea, & Hæreditaria, vix vel rarò curatur. In curatione autem Arthritidis, viscera primæ & secundæ coctionis, seu potius in his vitium quo ad solidum & quo ad liquidum est respiciendum hinc corroborantia, tandem sanguinem dulcificantia, motum naturalem circulatorium totius massæ sanguineæ respicientia medicamenta sunt necessaria, usus medicamenti purgantis, potius præservativè quàm curativè præscribatur. Aqua millepedum, cerevisia Arthritico-antiscorbutica, Decocta, Essentiæ, Herbæ vel maxime Antiscorbuticæ temperatæ & similia, sunt necessaria.
- IV. Cura lactea in hoc morbo potest esse in usu sed consideratis diligenter omnibus circumstantiis morbi, & temperamenti, ubi legatur Ettmulerus, Waldschmidius, Joannes Dolæus & alii de hac cura.
- V. Quo ad Diætam quæ multum juvat in hac affectione, hæc consistit, in jusculis cum herbis alterantibus, Antiscorbuticis, temperatis mane & vespere sumendis, potus ordinarius sit cerevisia bene defæcata, lupulo cocta, vel decocta Antiscorbutica ut in præcedenti corollario. Abstinencia omnis rationabilis in hac affectione juvat Patientes & inter aliæ, Pathemata animi vitanda, & sanus àër eligendus.

Permissu Magnifici Domini Rectoris.

